

萬 有 文 庫

第 二 集 七 百 種

王 雲 五 主 編

律 呂 正 義

(八 十)

清 康 熙 乾 隆 敕 撰

商 務 印 書 館 發 行

義正呂律

(八十)

撰敕隆乾熙康清

萬有文庫

第二集七百七種

總編纂者

王雲五

商務印書館發行

御製律呂正義後編卷之二十二

祭祀樂二十二

夕月壇



夕月壇祭儀

每歲秋分日酉時祭

夜明之神於

夕月壇

皇帝親詣行禮。鹵簿大駕全設。陪祀王以下各官俱朝服。預於

壇前櫺星門外祇候。酉時前四刻。太常寺堂官一員。奏請

皇帝御禮服。出宮乘輦。

午門鳴鐘。不作樂。不陪祀王以下各官俱朝服。于

午門外跪送。

皇帝至

壇前鋪棕薦處降輦。贊引官對引官恭導。

皇帝入北天門之中門。至更衣幄次。俟安奉。

神位畢。太常寺堂官奏請。

皇帝行禮。

皇帝出幄次。盥手畢。贊引官對引官恭導。

皇帝入東櫺星門北門。至行禮幄次。拜位前立。鴻臚寺。

官引王以下公以上在階下排立。

從壇分獻官一員在公後立。陪祀官各官在櫺星門。

外排立。典儀官唱樂。舞生就位。執事官各司其事。  
司樂官引武舞生執干戚進。贊引官奏就位。

皇帝陞拜褥上立。典儀官唱迎。

神。唱樂官唱迎。

神樂奏迎光之章。樂作。贊引官奏跪叩興。

皇帝行二跪六叩頭禮。王以下各官俱隨行禮興樂止。典儀官唱

奠玉帛。行初獻禮。司香官捧香盒。捧玉帛官捧玉

帛。執爵官捧爵。就前向上立。唱樂官唱初獻樂奏

升光之章。樂作。武舞生奏舞。司香官捧玉帛官執

爵官各進。

神位前跪。贊引官奏陞

壇恭導

皇帝詣香案前立。贊引官奏跪。

皇帝跪。奏上香。

皇帝舉炷香上爐內。又三上瓣香畢。與贊引官恭導

皇帝詣奠玉帛案前立。贊引官奏奠玉帛。

皇帝受玉帛拱舉。立獻于案上正中。畢。贊引官恭導

皇帝詣爵案左旁立。贊引官奏獻爵。

皇帝受爵拱舉。立獻于案上正中。讀祝官至祝案前。一

跪三叩頭。捧祝版跪俟於案西北隅。贊引官奏旋

位恭導

皇帝旋位立。樂停。舞者皆跪。贊引官奏跪。

皇帝跪。

王以下各官俱跪。

贊引官贊讀祝。讀祝官讀祝畢。捧祝

版跪安于帛匣內。三叩頭退。樂作。贊引官奏叩興。

皇帝行三叩頭禮。

王以下各官俱隨行禮。

興。

從壇分獻官由北階上詣香案前。上香。奠帛爵畢。亦

復位立。樂止。武舞生退。司樂官引文舞生執羽籥

進。典儀官唱行亞獻禮。執爵官捧爵就前向上立

唱樂官唱亞獻樂奏瑤光之章。樂作。文舞生奏舞

執爵官各進

神位前跪。贊引官奏陞

壇恭導

皇帝詣爵案前。獻爵如初獻儀。獻于案左。贊引官奏旋位恭導。

皇帝旋位立。

從壇分獻官。亦如初獻儀。獻于案左。畢。復位立。樂止。典儀官唱行終獻禮。執爵官捧爵就前向上立。唱樂官唱終獻樂。奏瑞光之章。樂作。執爵官各進。

神位前跪。贊引官奏陞

壇恭導

皇帝詣爵案右旁立。贊引官奏獻爵。

皇帝受爵拱舉。立獻于案右。贊引官奏旋位恭導。

皇帝旋位立。

從壇分獻官亦如亞獻儀獻于案右。畢。復位立。樂止。

文舞生退太常寺贊禮郎一員就前唱。

賜福胙退。光祿寺官二員捧福胙。向

神位前拱舉。捧至。

皇帝拜褥右。接福胙侍衛二員進至拜褥左。贊引官奏  
跪。

皇帝跪。捧福胙光祿寺官二員。接福胙侍衛二員亦跪。

奏飲福酒。

皇帝受爵拱舉。授左旁侍衛。奏受胙。

皇帝受胙拱舉。授左旁侍衛。贊引官奏叩興。

皇帝行三叩頭禮興。

王以下各官不隨行禮

次行謝福胙禮。贊引

官奏跪叩興。

皇帝行二跪六叩頭禮。

王以下各官俱隨行禮

興。典儀官唱徹饌。

唱樂官唱徹饌。樂奏涵光之章。樂作。捧玉官至

神位前。一跪一叩頭。捧白玉退。樂止。典儀官唱送

神。唱樂官唱送

神樂。奏保光之章。樂作。贊引官奏跪叩興。

皇帝行二跪六叩頭禮。王以下各官俱隨行禮興樂止。典儀官唱

捧祝帛香饌恭送燎位。捧祝帛香饌官至。

神位前跪。捧祝帛官三叩頭。捧香饌官不叩。各捧起。依

次由中路送往燎爐。贊引官恭導。

皇帝轉立拜位左旁。俟祝帛香饌過畢。贊引官恭導。

皇帝旋位立。樂復作。數帛官數帛。祝帛焚半。贊引官奏

禮畢。陪祀王以下各官兩旁排立贊引官對引官恭導。

皇帝由東櫺星北門出。至北天門外陞輦。樂止。鹵簿大

駕前導。和聲署作。

皇帝還宮樂。奏祐平之章。鹵簿大樂並作。王以下公以

上隨後行。各官出旁門退。不陪祀王以下各官仍

于

午門外排班跪迎。

午門鳴鐘。王等皆隨

駕入

皇帝還宮。樂止。各退。

樂章

迎神奏迎光之章

繼日代明兮象麗天

式遵九道兮臨八埏

玉律分秋兮西顛躔

聿修茲祀兮樂在縣

奠玉帛初獻奏升光之章

少采兮將事

玉帛兮載陳

式舉黃流兮挹犧尊

籩豆靜嘉兮肴核芬

亞獻奏瑤光之章

齊醴兮載獻

神之來兮肅然

仰盼蠻兮鑒顧

挹清光兮几筵

終獻奏瑞光之章

曼瑟鳴琴兮銷玉鏘

神嘉虞兮申三觴

金波穆穆兮珠煥黃

休嘉砰隱兮溢四方

徹饌奏涵光之章

對越在天兮禮成

徹登豆兮湛露零

神悅懌兮德馨

世曼壽兮安以寧

送神奏保光之章

駕卿雲兮景星

御和風兮霞駟

神留俞兮壇宇

福率土之黃丁